

):(2<sup>r</sup>

---

Viel Glück vnd Heyl dem gũn-  
ftigen vnd kunftliebenden Lefer.

WJr haben lieber Lefer vor  
etlichē ein fehr gerecht vnd nutz-  
liches Buch/ der mancherley  
Scribenten/ fo von der gũldi-  
nen Kunft handelt außgehn laf-  
fen/ welches zufammen gelesen  
vnd gefehrieben worden/ durch  
die mühe vnd fleiß Guilielmi Grattaroli Medici  
Weil vns dann daffelbige nicht vbel abgangen/ vnd  
wir vermerckt das es denen/ fo fich in diefer Kunft  
vnd Philofophia vbten/ fehr angenehmen gewefen/  
haben wir vns bemühet/ fo viel vns jmmer mÿglich  
diefelbige Kunft defto mehr zuerbawen vnnd zuer-  
klâren/ vnd haben derwegen durch hÿlff vnferer  
Freunde vnd fehr gelehrter Leute/ viel zufammen  
gefucht/ vnd auß denfelben das beſte/ vnferm gut-  
duncken nach/ herauß gelesen vnd behalten/ vnd ha-  
ben es in dieſe beyde Bücher mit maſſiger form vnd  
die da nicht vil koſten/ außgetheilet/ vnd feind nach-  
mahls bedacht/ wann vns Gott Gnade vnnd zeit  
darzu verleyhen wirdt/ durch hÿlffe vnferer Freun-  
de/ etwas beſſers vnd koſtlichers an Tag zu geben/  
deſſen die Leuth fo fich dieſer Edlen vnd nutzlichen  
Kunft befleißigen/ mit nutz gebrauchen möchten. Es  
):( ij moch

):(2<sup>v</sup>

---

Vorrede.

möcht aber velleicht einer fagen/ Jch brächte mit  
diefen meinen außgegananen Büchern/ dem Regi-  
ment viel mehr schaden als frommen/ weil es eine  
mächtige Kunt vnd keine Weißheit were/ die nicht  
gant3 gewiffen dingen/ sondern von zweifelhaftigē  
die da feltē gefchehen/ ja wol gar felten vnd velleicht  
nimmermehr jhrer vielen falschen meynung han-  
delte vnd in sich begriffe. Dann es haben es ja noch  
zu vnser vnnd auch der vorigen zeit nie keiner gelei-  
ftet vnd zuwegen bracht/ vnd doch so hoch verheiffen  
die jenigen/ so von diefer Kunt schreiben/ weil sie  
dann derwegen kein fürnemliches ende hat/ darauff  
sie gericht/ vnd doch alle ding vmb deß ends vnnd  
außgangs willen gefchehen/ so folget das es keine  
Kunt/ sondern ein erdichte Weißheit sey/ vnnd das  
die zu verlachen/ vnd Narren sein die damit vmbge-  
hen/ vnd sie treiben/ oder den vnerfahrenen betriege-  
ren vnd Vnckenbrennern glauben/ weil aber diefer  
groben vnverftändigen Knöpfen vnd Bechen/ von  
den fürnemblten vnd gelehrtesten Philofophis mit  
gewiffen beweifungen mehr dann zu viel antwort  
gefchehen/ vnnd die warheit diefer Kunt beweyset  
worden/ fürnemblich von dem weitberhūmbten  
Philofopho Petro Bono Ferrarienfi in feiner  
kōftlichen Perlen/ so vor diefer zeit außgangen/ vnd  
auch von dem Laurentio Ventura Vencto, in  
seinem Buch das er an den Fürften Ottonem  
Heinricum Palatinum gefchrieben hat/ welche  
beyde sag ich die warheit diefer Kuntrechtſchaffen  
gerechnet/ wie auch wol vorzeiten von vn3ehlichen  
vielen

):(3<sup>r</sup>

## Vorrede.

vielen Philofophis gefchehen ift. So ift meine  
antwort nit groß von nöhten/ weil fürnemblich mir  
nicht gebüret vnd zu tehet andere zu lehren/ oder die  
theile zu verthädigen/ fondern die Lehrer der guten  
Künfte öffentlich zum gemeinen nutz / in Truck zu  
verfertigen vnnd zu bringen/ vnd dieselben mit ein-  
ander zufammen laffen/ fo darvon gefchrieben/ das  
alfo die warheit herfür käme/ vnd an tag gebracht  
wurde/ wie das Feuer auß den harten zufammen-  
fchlagung der Kiffelsteine/ doch nichts defto weni-  
ger will ich die weile/ was mich als ein vnverftändi-  
gen diefer fachen gut duncket/ außfagen/ das nemb-  
lichen mehrtheils von denen diefe Kunft verworffen  
wirdt (ob fie auch gleich fonften die gelehrteften find  
vnd die Kunft gar gefreffen haben/ wie fie dunckt)  
die jhr Lebtag darinn nichts gelesen nach verftandē  
haben/ vnd das derwegen keiner nicht vnverfchemb-  
ter handle vnd judicire, dann die vnverftändigen  
vnd die in diefer weißheit vbel belesen/ dann der ein  
ding nie verfucht vnd auch fonft nicht viel gethan  
hat/ den duncken viel ding vnmöglich feyn/ die doch  
durch die Kunft vnd Natur leichtlich zuwegen ge-  
bracht/ verrichtet vnd ins Werck gefetzt werden/ wie  
falt in allen Künften die erfahrung folches lehret/  
dargegen aber kan ein erfahrner vnd nachforfcher  
der verftändtlichften vnd fchärpfften Natur/ vnnd  
das ich fo fagen mag ein Mitwürcker vnnd Hülff-  
knecht der Natur durch fein verftandt vnd vnauff-  
hörlichen fleiß/ auch was den vnverftändigen vnnd  
Tölpeln das fchwereste däucht/ vnd falt fich von jh-

):( iij nen

):(3<sup>v</sup>

## Vorrede.

nen anfehen left/ als wer es vber die Menfchliche vernunft vnnd vnaußgründtlich/ gantz leichtlich præftiren, außrichten vnd zuweg bringen: Was mich belangt/ ob ich gleich mein Tag fo weit nicht kommen/ vnd auch der jenige nicht bin/ der da von einem folchen Göttlichen vnd höchstē Geheimnuß judiciren vnd vrtheilen kan/ fo kan ich mir doch nicht in mein Gemüht eynführen/ das fo viel gelehrter Philofophi vnnd berühmter Lente/ ja auch die Könige vnd Scribenten diefer Kunft/ welcher Schrifften vnd Bücher wir auch haben/ follen betrogen worden feyn/ vnnd das fie hetten andere betriegen wollen/ weil fie doch fonften fo ein fürtrefflichen Namen bey allen gelehrten Leuten/ nun fo ein lange zeit her erlangt haben: Als Geber, Avicenna, Rafis Villanovanus Raymundus vnd faft alle vnzehliche die alten vnnd neuen/ welcher Namen wir nun nicht fo achten/ Jch zweiffel auch nicht das noch heutiges Tags fein vnd auch zuvor gewefen fürtreffliche vnd meifterliche Betrieger vn̄ fchalckhafte Leuth/ die von freyen Künften vnnd guten Sitten das wenigfte wiffen/ in allen fchalckhaften ftücken/ aber Büberey vnd fchalckheit die größten feind/ die ohne freffen vnd fauffen/ welches fie fo luftig treiben/ das fie auch deffen nicht allein an Leib/ fondern auch im Geficht vnd Nafen zeichen tragen/ nichts wiffen vnd gelehret haben vnd verkauffen fich mit hochtragenden Worten bey groffen Herren/ als weren fie Geber vnd Raymundus, nur das fie jhnen die Tafchen raumen/ vnd zur Ader

):(4<sup>r</sup>

## Vorrede.

der laffen möchten/ also das sich mancher gar verblutet/ da dieselbigen Landtläufer doch nit wol ein brennendes Waffer auß Wein machen können/ dessen sie doch täglich gantze Faß voll verschlucken vnd ledig machen können/ von solchen Betriegern die da währt seyn/ das man sie an liechten Galgen hienge/ sollen sich der Adel vnd fürneme Leuth wol hüten/ es sey dann das sie das Aurum potabile machen wollen/ damit wir aber wider dahin kommen/ da wir es zuvor gelaffen vnd etwas abgewichē seyn/ so setzen wir dir günstiger lieber Läser allhier vor die gelehrten Leuth vnd rechten Philofophos, vnd dir fürnembsten Authores dieser Kunft/ vnnd geben dir erft die sprüche der Philofophorum, der zusammenkunfft der Schuler/ Pythagoræ, wann du diese fleißig lesen wirft/ vnd Gott der Geber aller Güter/ wie sie oft selbst vermahnen/ fleißig bitten/ so zweiffelt mir nit/ so werdest auch du/ die meisten geheimnuß der Philofophorum erlangen vnd haben/ vnd endlich deinem verlangen genüge gelchehen/ vnd was du suchest vnd begereft bekommen. Diesen Synodum oder zusammenkunfft neñen sie die Turbam Philofophorum, welche wir in zwey theil getruckt haben/ wegen der manigfaltigen Ration vnnd vrfach der Namen/ Sprüche vnnd Ordnung: damit ein jeder nachfolgen möchte/ was ihm am meisten geluftet/ in diese Turbam folgen/ darnach die vbung mit welchen die meisten beschwerden außgelegt werden/ zu welchem angehencket wirdt/ die aufftehende Morgenröhte/ welche auff-

):(    iiij    thut

):(4<sup>v</sup>

---

Vorrede.

thut vnd offenbaret/ die weyßen vnd arten zu reden der Philofophorum vnd die vmbfchweiffte Rätzel vnd gleichheiten. Die andern vberfchreiten wir wegen der kurtzen zeit/ wir geben sie aber alle in Truck auß den gefchriebnen Exemplaribus, oder die doch zuvor niemals in Truck außgangen/ oder die da auch beffer vnd vermehret find/ vnnd was in einem jeden Theil oder Buch gehandelt wirdt/ das zeigt das folgende blat an nach dem Titul vnnd Vberfchrifft dieses Buchs.

Nun müffen wir von dir bitten vnd begeren/ das du mit diefer vnfer Arbeit/ sie fey auch wie sie wölle/ wolleft für lieb nemmen: Jfts Gottes wille/ kanstu vielleicht zur zeit was beffers von vns haben/ wann die fo diese Kunft vnd die Warheit lieb haben/ etwas zum gemeinen nutz rahten vnd helfen wöllen/ vnd vns mittheilen/ die doch sonften ohne jren nutz/ aber anderer Leuthe schaden vmbkommen vnd verderben. Welches ich nicht allein in diefer Kunft vnd Weißheit will gefagt haben/ fo wol auch als in andern allen/ dann wann vnfer Vorfahren vnnd Alten nur jhnen allein weren geboren worden/ vnnd hetten für vns die Weißheit vnd Kunft verborgen/ Lieber sage mir doch wo mit weren wir doch von den vnvernünftigen Thieren vnderfcheydē? Darumb nimb diß mit danckbarem gemüt an/ vnd brauch es andern Leuthen zu Nutze. Gehab dich wol.

PRO-

J6<sup>v</sup>

104 Das Buch der Warheit/

Der Buchtrucker an den Lefer.

Lieber Lefer/ guter Freund/ du folt wiffen/ das wir allhie/ anfengtlich dieses Buchs/ von wegen der Guldenen zeit (veræ aureæ horæ) auß wolbe- trachtem Raht/ außgelaffen vnnd vberfchritten ha- ben/ denn gantzen vnd vollkomlichen Tractatum der Gleich- nuffen/ oder Allegorien: mit welchen allegorijs, nach al- tem Brauch der Blindheit vnnd Finfternuffen: wie es da- mahls ift zugangen) faft die heilige Schrifft/ fürnemlich die Schrifften vnnd hohe Lieder Salomonis/ auffs meifte aber die Cantica Cantorum, auch gar fchwerlich vnd vnbillich auff die Alchimiam der Auctor gezogen vnd gedeutet hat: gleich als weren dieselben keiner andern vrfachen halben ge- fchrieben/ (wan wir jm glauben wöllen) als zu Lob vnd Ehren der Alchimia auch/ (welches ein fchand ift) das allerheiligfte vnd höchfte Geheimnus der Menfchwerdung vnd deß Leydens Chrifti/ vnfers Herren/ hat er auff dz aller fchendtlichfte auff das Geheimnus dieses Steines gezwungen vnd gelegt/ vnd fonft viel herrlicher monumenta vnd zeugnus vnfers Glau- bens/ nit/ (wie ichs zwar darfür achte/) auß böfer meinung (den er fcheinet ja fonften Gottsförchtig der Auctor) fondern wie es damals die zeit der Finfternus hat leidē wollē/ welche/ weil fie nit wußten die rechte außlegung der heiligen Schrifft/ fo zwungen fie dieselbe zu dienen jhren lecherlichen erfindun- gen/ vnd meineten doch gleich wol fie hetten die Warheit in der Hand. Weil ich es derwegen vor vnbillich geacht vnd ei- ne fchande zufeyn/ das man die heilige Schrifft folchen Kün- ften zu dienen vnd zubefchönen zwingen vnd brauchen fol- te/ hab ich/ fo viel in mir ift/ dieselbige jhrer Freyheit vnd eh- re wider zutellen vnnd von den gewlichen Finfternuffen er- löfen wollen/ weil fie fürnemlich diefer Kunft keinen vnver- ftand noch nutz bringen/ fondern nur viel mehr Gottsförchti- ge vnd gelehrte Hertzen vnd Ohren erzürnen kan. Wer da  
aber

J7<sup>r</sup>

---

Von der Vniverfal Medicin. 141

aber Curiofior oder forgfeltiger fein will/ der kan fie jhm  
entweder abfchreiben/ oder von andern getruckt lefen; (wo  
anders einer die Vnkofung fo vbel anlegen wolte) Wir wol-  
len vns gnügen laffen an dem Tractatulo, oder kurtzen  
Büchlein/ von den allegorijs, fo auß der erfindungen der  
Philofophorum, vnnd innwendigften Kern diefer Kunft/  
herauß gefucht vnd genommen ift/ welchen wir auch droben  
nach der Turba außtrucklich gefetz haben. Vale.